

田賦 鹽馬附

禹貢九州厥篚棊詳三征之則蓋古莫能易焉故鄧侯入  
國自收圖籍而計相之設亦創自炎劉財賦之出經制所  
由定烏容畧與

國家沿明制則壤定賦輕徭薄歛以時休息之其加惠於  
民至大科條明備按籍而可稽吏胥無緣上下其手其立  
法致爲精密無弊民咸世其業食其土從容以上供休哉  
萬世之規準弗可改也已作田賦志

原額戶口人丁不等現在

戶二萬二千三百二十

口九萬五千五百七十九

地畝

原額優免地一千三百九十四頃七十五畝六分三釐一毫每畝徵正供銀一分九釐一毫一絲九微五纖零又徵加增馬價胖衣並腳價銀五毫二絲六忽二微八纖四沙零又徵二次加增花蔴銀一毫四絲九忽九微七纖九沙零又徵停免雜辦銀七釐二毫九絲七忽四微

一織三沙零合算每畝共徵銀二分七釐八絲四忽六  
微三織一沙零共徵銀三千七百七十七兩六錢四分  
六釐一毫六絲四忽三織

行差地八千六百六十八頃八十三畝一分五釐一毫科  
則同前共徵銀二萬三千四百七十九兩二錢一分六  
毫六絲八忽三微九織九沙零

清查出行差地七十三頃一十一畝三分六釐六毫科則  
同前共徵銀一百九十八兩二分五釐六毫五絲二忽  
八微九織七沙零

王應春等起科開墾地九頃六十四畝三分九釐科則同  
前共徵銀二十六兩一錢二分一毫四絲七忽七微三  
纖八沙零

雍正八年堤上等村起科開墾淤地十七頃一十三畝六  
分二釐六毫科則同前共徵銀四十六兩四錢一分二  
釐九毫二絲八忽六微七纖九沙零

以上優免行差清查續墾現在共行地一萬一百六  
十三頃四十八畝一分六釐四毫科則詳前外雍正  
二年均攤丁匠二項實在每畝共徵銀三分二釐六

毫九絲二忽

共徵銀三萬三千二百二十六兩四錢三分六釐一毫七絲七忽四微八纖八沙又遇閏每畝加徵銀一毫五絲七忽每畝連閏共徵銀三分三釐八毫四絲九忽

寄莊地八百四十八頃四分六釐七毫每畝徵正供銀一分九釐一毫一絲九微五纖三沙零又徵加增馬價胖衣並腳價銀五毫二絲六忽二微八纖四沙零又徵二次加增花蔬銀一毫四絲九忽九微七纖九沙零又徵

繼辦比行差加一倍銀一分四釐五毫九絲四忽八微  
二纖七沙零合算每畝共徵銀三分四釐三毫八絲二  
忽四纖五沙零共徵銀二千九百一十五兩六錢一分  
二釐四毫九絲四忽二微四纖二沙零

以上寄莊地八百四十八頃四分六釐七毫科則詳  
前外雍正二年均攤丁匠二項實在每畝共徵銀四  
分一釐五毫共徵銀三千五百一十九兩二錢一釐  
三毫八絲五微又遇閏每畝加徵銀一釐七毫五絲  
五忽每畝連罰共徵銀四分三釐二毫五絲五忽

額外地畝

麥子烏營舊額出首共地五十九頃三十九畝一分每畝  
徵銀二分三毫二絲五忽七微六纖五沙零又雍正二  
年均攤丁匠實在每畝共徵銀二分四釐五毫三絲四  
忽共徵銀一百四十五兩六錢九分八釐三毫三絲三  
忽四微外遇閏每畝加徵銀一毫六絲一忽每畝連閏  
共徵銀二分四釐六毫九絲五忽

野狸寨營地三十三頃六十四畝每畝徵銀三分五釐九  
毫八微五纖六沙又雍正二年均攤丁匠實在每畝共

徵銀四分三釐三毫三絲三忽共徵銀一百四十五兩  
七錢五分四釐二毫一絲二忽外遇閏每畝加徵銀二  
毫八絲五忽每畝連閏共徵銀四分三釐六毫一絲八  
忽

第四營地四頃六十四畝每畝徵銀四分八釐八毫二絲  
七忽六微又雍正二年均攤丁匠實在每畝共徵銀五  
分八釐九毫三絲六忽共徵銀二十七兩三錢二分八  
釐三毫四忽外遇閏每畝加徵銀三毫八絲八忽每畝  
連閏共徵銀五分九釐三毫二絲四忽



牙水寨營舊額出首共地九十一頃五十三畝三分四釐  
三毫四絲每畝徵銀一分八釐五毫一絲八微七纖四  
沙又雍正二年均攤丁匠實在每畝共徵銀二分二釐  
三毫四絲三忽共徵銀二百四兩四錢九分五釐一毫  
五絲外遇閏每畝加徵銀一毫四絲七忽每畝連閏共  
徵銀二分二釐四毫九絲

籽粒民地舊額出首共地九十九頃一十八畝五分二釐  
八毫五絲每畝徵銀三分二毫二忽二微九沙零又雍正  
正二年均攤丁匠實在每畝共徵銀二分六釐四毫五

絲五忽共徵銀三百六十一兩五錢五分九釐九毫外  
遇閏每畝加徵銀二毫四絲每畝連閏共徵銀三分六  
釐六毫九絲五忽

以上額內額外各項共地一萬一千二百九十九頃  
八十七畝六分二毫九絲各徵則不等共徵銀三萬  
一千一百七十六兩一錢七分一毫二絲五忽七微  
三纖八沙零又攤入丁匠銀六千四百五十四兩三  
錢三釐三毫三絲八忽五微四纖九沙零實共徵銀  
三萬七千六百三十兩四錢七分三釐四毫六絲四

忽二微八纖七沙零閏月共加徵銀一千三百三十  
兩九錢九分四釐九毫四絲八忽六微五纖七沙零  
連閏共徵銀三萬八千九百六十一兩四錢六分八  
釐四毫一絲二忽九微四纖四沙零

在土作貢賦有定則曲邑科例繁多民間輸納實有未  
諳雖戶給易知單以曉之猶鮮有喻者乾隆丙寅歲  
恩免正供留耗羨於下屆徵收今年春新舊爭輸所納  
間有逾額隨臚示給還因念科賦未明吾民何所遵守  
且前志所載秋糧夏稅尚沿明舊卽攤丁加閏近亦未  
列章程按畝輸糧無以爲據里胥侵伴莫可稽查惟魯  
愚民何堪朘削若此乃命胥詳究於舊額徵科及攤丁  
入地以逮遇閏加增各條目分而縷析之糧以則科額  
以畝定展卷瞭然官民用以交賴庶  
分頒易知之意於輸將不無裨益云

人丁

原額人丁四萬九千五百九十一丁節年編審開除人丁  
四萬四百四十八丁新收人丁五萬三千五百八丁實  
在天下人丁六萬二千六百五十一丁內除康熙五十  
五六年雍正四九等年四次編審滋生補剩餘丁四百  
四十丁永不加賦外實存天下人丁六萬二千二百一  
十一丁內優免丁二千一百三十一丁除紳衿本身丁  
九百四丁照舊免徵外實丁一千二百二十七丁每丁  
徵銀一錢

行差人丁六萬八十丁每丁徵銀一錢二項共徵銀六千一百三十兩七錢雍正元年奉文以二年爲始攤入地糧銀內徵收訖

原額屯丁一百二十六丁節年編審開除人丁八十六丁新收人丁一百八丁實屯丁一百四十八丁內上中下各則不等共徵銀五十六兩一錢二分二釐六毫雍正元年奉文攤入地糧銀內徵收訖

又不在地丁項內額徵匠價銀十兩三錢五分亦於雍正元年奉文攤入地糧銀內徵收訖

起運

原額起運本折共銀二萬二千四百五十三兩一錢七分  
九釐六毫七忽三微脚價銀三百二十四兩二錢九分  
一釐九絲六忽八微七纖六沙零內一起運

戶部夏稅銀一千五百二兩九錢四分八釐八毫脚價銀  
一十七兩二錢六分六釐六毫六絲六忽四微

秋糧銀五千二百六十二兩六錢六分八釐一毫一絲三  
微脚價鋪墊共銀一百三十二兩九錢六分六釐六毫  
五絲六忽三微六沙零

馬草銀五千八十五兩五錢五分一釐六毫六絲七忽脚  
價共銀五十二兩六錢四分二釐六毫八絲三忽八微  
七織

鹽鈔等項共銀三千二兩二錢六分七釐六毫脚價銀三  
十兩一錢一分八釐六毫七絲六忽

禮部共銀七百六十五兩七錢三釐九毫脚價銀七兩六  
錢五分七釐三絲九忽

兵部共銀五千三百七十六兩脚價共銀六十五兩一錢  
九分

工部本折共銀一千四百五十八兩三錢九釐五毫三絲  
腳價銀一十八兩四錢四分九釐三毫九絲五忽三微  
又節年奉裁並支剩地糧丁匠等項共解銀一萬一千五  
百五十三兩一錢八分六釐一毫一絲七纖二沙零

各屯營歸併共解銀一千二百一十一兩四錢九分二釐  
六毫九絲六忽六微七纖三沙零除訂成賦役全書之  
後裁復剩銀一百一十一兩九分六釐外

原額及裁解實在起運銀三萬五千四百三十一兩五分  
三釐五毫一絲九微二纖三沙零



閏月銀一千一百九十七兩一錢一分三釐八毫八絲  
忽九微九纖零

存留

原額存留各不等除節年奉裁解部虛數不載外實在存  
留支解共銀二千一百九十九兩四錢一分九釐九毫  
五絲三忽三微六纖四沙零內

一府學 文廟祭祀銀八十兩

一本府 糧廳俸薪銀三十五兩四錢六分

一臨洛鎮弓兵一名工食銀六兩過閩加銀五錢

修理 龍亭銀五錢

修理 文廟銀十兩

一 鄉飲酒禮二次酒席銀一十二兩

一 本縣俸薪銀四十五兩

一 門子二名額設工食銀一十二兩遇閏加銀一兩

一 皂隸十四名額設工食銀八十四兩遇閏加銀七兩

一 件作二名額設工食銀十二兩遇閏加銀一兩

一 馬快八名額設工食銀一百三十四兩四錢遇閏加銀

十一兩二錢

一民壯三十名額設工食銀一百八十兩遇閏加銀十五

兩

一看監禁卒八名額設工食銀四十八兩遇閏加銀四兩

一轎夫四名額設工食銀二十四兩遇閏加銀二兩

一傘扇夫三名額設工食銀十八兩遇閏加銀一兩五錢

一庫子四名額設工食銀二十四兩遇閏加銀二兩

一半級四名額設工食銀二十四兩遇閏加銀二兩

一典史俸薪銀三十一兩五錢二分

一捕衙門子一名額設工食銀六兩遇閏加銀五錢

一捕衙皂隸四名額設工食銀二十四兩遇閏加銀二兩

一馬夫一名額設工食銀六兩遇閏加銀五錢

一儒學教諭俸銀四十兩

一訓導俸銀四十兩

一齋夫三名額設工食銀三十六兩遇閏加銀三兩

一門斗三名額設工食銀二十一兩六錢遇閏加銀一兩

八錢

一廩生糧銀六十四兩遇閏加銀五兩三錢三分三釐三

毫

一膳夫三名額設工食銀十三兩三錢三分三釐三毫遇  
閏加銀一兩一錢一分一釐一毫

一社稷等壇祭祀銀三十兩

一文廟祭祀銀四十兩

一關帝廟祭祀銀四十兩

一邑厲壇無祀鬼神祭銀十兩

一朔望行香紙燭銀一兩

一頒發時憲書銀三兩

一吹手四名額設工食銀二十四兩遇閏加銀二兩

一遞馬六匹夫二名工料銀六十四兩四分七毫五絲三忽三微六纖四沙零遇閏加銀五兩三錢三分六釐六毫六絲六忽六微六纖四沙小建另扣

一先農壇農夫二名工食銀十二兩遇閏加銀一兩

一在城等舖兵十二名額設工食銀七十二兩遇閏加銀六兩

一傳堂更夫五名額設工食銀二十四兩遇閏加銀二兩  
一城頭火夫十名額設工食銀四十八兩遇閏加銀四兩  
一養濟院孤貧一百四十七名口口糧銀五百二十九兩

二錢遇閏加銀四十四兩一錢小建另扣

一孤貧冬衣花布銀四十兩八錢六分六釐

一二年一辦貢生花紅旗匾銀二兩五錢

一三年一辦本府新中進士坊價銀三十三兩三錢三分

三釐三毫

一本縣新中進士坊價銀三十三兩三錢三分三釐三毫

一新中舉人坊價銀二十六兩六錢六分六釐七毫

一武闈入簾公宴銀八兩三錢三分三釐三毫

一武進士花紅旗匾銀六兩六錢六分六釐七毫

一武舉花紅旗匾銀三兩三錢三分三釐三毫

一會試謄錄書手銀十三兩三錢三分三釐三毫

一會試文武舉盤費銀六兩

以上共支解存留銀二千一百九十九兩四錢一分九釐九毫五絲三忽三微六纖四沙零

閏月加銀一百三十三兩八錢八分一釐六絲六忽六微六纖四沙

起運存留二項共銀三萬七千六百三十兩四錢七分三釐四毫六絲四忽二微八纖七沙零



閏月共加銀一千三百三十兩九錢九分四釐九毫四絲  
八忽六微五纖七沙零

附耗羨

本縣應徵起存共銀三萬七千六百三十兩四錢七分二  
釐四毫六絲四忽二微八纖七沙零每兩徵耗銀一錢  
四分共徵耗銀五千二百六十八兩四錢八分五毫  
遇閏加徵銀一千三百三十兩九錢九分四釐九毫四絲  
八忽二微八纖九沙零應徵加閏耗銀一百八十六兩  
八錢三釐六毫零

連閏共徵耗羨銀五千四百五十五兩二錢八分四釐二

毫內

每年留支本縣養廉銀一千兩

典史養廉銀三十一兩五錢二分

辦公銀一百兩餘銀儘數解司

按耗羨相沿已久雖名屬辦公而實多私潤雍正元年始定歸公例牧民之吏厚給養廉餘則爲公家需再有濫耗者真重典此國家惠逮臣民仁至義盡之道也曲邑地廣賦繁養廉亦加厚爾俸爾祿之訓豈其或忘於心而封殖煖削之加吾民何故於正額後特附此條俾司牧者知受恩之渥思民力之艱用矢心於精自以無曠乃職或其爲吾黨箴乎而耗有一定視籍釐然官不重科民無粿歛其數尤不敢不詳且明焉

額外

當稅

田房稅

牛驢稅

牙帖稅

以上各項俱係儘收儘解年底造冊報銷多寡盈縮無定額

附鹽政

額設官鹽九千三百引

分認京鹽二百引

每年疏銷鹽五六千引不等

按舊志云吾邑舊額食鹽無多兼用本縣土產小鹽明崇禎間商人計圖專利訟小鹽行於鹽院而小鹽遂不行本縣斥鹵之地近水皆然惟煮鹽薄獲其利今嚴禁不行則是王土爲無用之田而不毛有取盈之令也據此則曲邑小鹽前明固編爲令甲爲食貨之一非若硝磺之屬有關功令也考宋時河北轉運獨不權鹽蓋地之所宜民以爲利經制之法原非操切之計今汾晉之間所在煎鹽密邇河東而蹉政不及於課無虧民辦自無不可固不必悉付商人也曲邑北鄉一帶鹹嫌浮鹵幾成廢壤民間賦稅無出或藉謀升斗乃厲禁以來寧淡茹而不敢犯甚且漣汁煎嫌奸徒皆得而挾之士之產且害於土之人矣商人坐俸厚利子錢不爲薄而萬分之一且扼窮黎之喉而攫其食嗚呼獨何爲哉

馬政

舊設走遞馬四十一匹康熙十四年奉裁馬十一匹實存  
驛馬三十四頭

夫十名內

永協懷安縣馬二匹

夫一名

協濟懷來縣馬四匹

夫二名

雍正八年四月內奉裁馬二十四匹夫八名

現在實存馬六匹


夫二名

以上夫馬工料詳存留項下

論曰三代以前田賦戶口之詳不可得而考周禮辨民之  
悉靡不舉而履畝之額無闕蓋其時民出力而公家無  
視所入於經不著其籍非闕有間也自稅畝其詳隨廢歷  
代徵輸之法皆得而稽焉而適輕適重或闕焉為昂率  
取足度支需恤民之仁蔑矣

朝軫恤恩勸盡別無名供復均丁徭於任地窮潔清既

古莫之能比  
涵濡養育百有餘年  
生齒繁滋自漢唐以來未  
有其倫宜矣





學校

教胄始於虞書而於論鐘鼓詩載廢之學校之制逖哉所從來遠非一鄉一邑私也

國家釋奠崇儒稱郁郁文矣天下郡邑所在莫不有夫子廟以時習禮愆祀上丁蓋古莫較隆焉豈其妥靈揭虔而蒼蔚不剪何文治之爲化成之風不遺於一隅邑之小也卽寰宇其可覘乎作學校志

儒學在縣治東中爲大成殿六楹東西廡各二十五楹前戟門泮池上跨石橋三座

納銀千戶劉錫堯建

又前櫺星門門之外

左右各坊一兩翼門二東曰聚英

知縣方逢時開建

西曰毓秀始

建於金大定二十五年

金靳子昭記畧邑舊有學荒廢久矣先是范陽顧侯定遠作尉斯土

有遺愛在人既去而民益不忘侯亦樂其土俗及其歿也其子曰塘曰璧寓葬侯於邑東因家焉念學之傾圮釋奠無所謀復之適高平張公文孫來宰是邑將度地經始而張公去蓋又歷年乃能爲殿三間嚴孔子及顏子而下十哲洵孟子像復圖七十二賢古大儒三十二子於廡齋堂廚庫靡不畢具雖邑之人有以財力左右之者大率皆顧氏兄弟之作也且日招四方之士與邑之賢士大夫游處其中以講論經義可不謂之賢乎學始作於大定乙巳成於丙午明昌七年秋九月望日記

明洪武二十七年知縣劉信重修嘉靖九年國學生趙來

鳳重修

明建訓記畧曲梁當宋季荒亂之餘學宮久廢自顧子願君兄弟創建後修之者不過畧爲補

嘉靖庚寅春邑生趙君來鳳踴躍赴義估計所費不數月而廟廡門牆咸以一新邑令王君高其義白於督學與一子入泮以嘉之復請記於余余曰夫事以義舉且以義名固夫人所樂從而亦賢士大夫所共與也然一念誠偽而善惡以分果以義所當然而樂爲此無所爲而爲之誠善之善也或徒慕其名而用以要譽市利則亦僞焉爾趙子不求名利而名利從之夫固理有必然者先生父母斯邦旌別淑慝所謂賞一人而千萬人勸非特趙子之幸矣

萬曆三十年知縣高出三十七年知縣張潑各重修

袁宏德記

畧曲周之有儒學其來舊矣第法制草創且歷世久遠惟是因時修葺是在賢有司歲丁未秋淫雨連綿者月餘學宮傾圮過半抵十月我令君張念山握篆曲周慨捐清俸儲材鳩工躬自督之自大殿兩廡及啓聖祠明倫堂工約費省名修實創僅逾一時而赫然改觀矣又遷建名宦祠於文昌閣後悉自輸俸僱工旬餘底績曲人士未之知也公名潑號念山山東樂陵人丁未進士

天啓四年知縣趙循昌重葺至七年邑紳霍允猷葺之崇

禎十三年邑紳路振飛大修之

明李嘉彥記畧曲周學宮之修考之志文首大定顧

瞻頤壁繼嘉靖趙來鳳邑令張鵬翼張自悟趙循昌此外何寥寥也意不見志文者時有之近日鄉紳霍允猷亦嘗修學矣無記也幾何時而傾圮隨之豈無目之心惻舉之不能者乎僉都御史路振飛慨然任其事需以歲月始庚辰終癸未殿廡門墻祠閣室號無一不新費三千金以國變乃止於乎何其自之遠而用之宏也路子起寒素嚴氣正性得自天成在國在野無不以名教爲己任生也功烈河山死也光爭日月異時國家釐正祀典歿而可祭於社曲周當以路子爲首舉矣於乎士人其尚各以修學自勵庶幾路子修學之意相與有成乎

本朝雍正十一年知縣張若巖訓導侯元勳加修

周頤勳記畧乾

隆丙辰余承

命來守茲土謁廟見丹雘璨然甲於他邑

前令梨谷張公爲余言曰余之始來也學宮荒廢半爲荆

標瓦礫之場蹙然思所爲興復計訓導侯君慨以督工  
已任某捐俸爲倡一時紳士亦同志樂輸爰庀材鳩工首  
大成殿次兩廡齋舍次明倫堂御書樓梓潼閣櫺星門  
門宮牆泮池以及各宦鄉賢各祠宇次第撤而新之是役  
也始壬子孟冬閱期年告竣某以秩滿量移就道有日君  
其爲我紀其畧且將於君觀厥成也余進多士而勗之曰  
五步之內實生芳草況日邊近天子之光環橋聽木鐸之  
化乎吾願曲之人士入廟而思黽勉正學求爲國家有用  
之才無負張公屬望之意豈僅  
工文章掇巍科而已哉是爲記

崇聖祠在大成殿左明嘉靖十六年知縣張鵬翼建  
本朝乾隆元年訓導侯元勳重修

名宦祠在戟門左舊在明倫堂知縣張鵬翼建明崇禎間

邑紳路振飛移建今地祀總督趙彥燮朱昌祚李蔭祖廵

撫沈朝聘格爾古德于成龍

山西永寧人

于成龍

奉天人

守道朱

宏祚邵嗣堯大名道梁忠邑令李詭祖李允登馬大儒

鄉賢祠在戟門右原修及移建俱如名宦祀李若水王世爵張師孟劉榮嗣王介秦廷奏路振飛路元升

明倫堂在大成殿後堂前左右二齋曰存心曰養性齋前號舍二十六楹又堂東爲神庫堂西爲饌堂

號舍神庫饌堂今俱廢

中爲儀門左右角門各一明嘉靖十六年知縣張鵬翼修建

本朝康熙四十九年教諭衛蕃重修

明章允賢記畧張子雲程子同年進士同

令於廣平之赫邑張子令曲周子令成安因公過曲周  
先師廟學諭武君宣等延至明倫堂堂之側爲兩齋盡  
齋之南爲號房若干楹周圍諸舍悉垣以磚舍之外東  
賢西名宦棟宇隆崇丹青炳麗蓋歷八郡而一見因問  
君爲誰所爲武君曰莫非張令爲之蓋自有曲以來而  
堂之功茲令爲大然而張令不自言也張子名鵬翼雲  
程其字別號北海內懸題名扁六教諭衛蕃修  
河南虞城人乾隆九年教諭王雯重新之

敬一亭在明倫堂後明嘉靖二十七年知縣方逢時建

本朝乾隆三年知縣周碩勳重修

尊經閣在敬一亭後

本朝順治間知縣陳大均建乾隆三年知縣周碩勳重修  
射圃亭在崇聖祠西明嘉靖間知縣張鵬翼建

本朝康熙間知縣崔湄重修今廢

教諭宅在大成殿西南隅

本朝乾隆八年教諭王雯重修

查學宮基址南至大街北至城根內房數間係假地

學役修建以便使令者倘有更革房應歸役地自屬官

訓導宅在崇聖祠東舊在教諭宅後

本朝雍正六年訓導侯元勳就射圃基改建乾隆八年訓導劉業倣增修

文昌閣在儒學東明萬曆二十七年知縣王象恒建

本朝雍正十二年知縣張若巖重修



奎星樓在東城巽隅明萬曆間知縣王祥昌建崇禎間知縣喬明旃移建河濱

本朝順治十三年知縣李時茂復建於故地雍正十三年

知縣張若巖重修

李嘉彥復建奎樓記畧蔚芝李邑侯之治曲也百廢俱興矣其繕學宮則風化

之本也其修倉廩則民命之依也其重葺東橋則以往來之利也其建大門譙樓則以出政之地而敬時之務也其增修十方院則神道之教也其纂修縣志則備法戒而垂不朽也一日有言城頭東南隅舊有奎樓崇禎丙子邑令喬公移建河濱望氣者以爲弗宜屢議移建故地顧力弗能而有待侯問之慨然曰吾責也守令作牧四方寧民造士厥意維均於是捐俸付孝廉王子曰是役也吾與子任之邑之人亦感侯之意捐貲鳩工順治丙申春三月王子董其事復就故地而建焉侯諱

時茂字蔚芝王子諱頤字暉如

安仁書院在縣東北馬落堡今廢

公善書院在東關明崇禎中邑紳路振飛建置義田五十

明辛全記畧予與皓月路先生爲道義交一日告予曰  
吾虞宗族鄉黨子弟之失教也構屋數間擇有品行士  
立教其中置田若干畝資束脩日月費又恐後人之或廢  
也告戒子孫勿視此爲路家物異日卽枵腹不得食此租  
卽齋宿不得居此屋庶幾可傳久遠予嘆服曰先生之念  
若此天實歸之後必有賢人君子繼緒振宗無替安得言  
德腹容宿哉先生子若孫善繼善述主持廣大於其間太  
平景象不謫萬桑梓耶吾尤願世之爲鄉先生者亦如先  
生之加惠桑梓而各加惠其桑梓焉又願先生擴充是念  
視四海千秋之後生一如桑梓之後生焉先生喜曰善之  
當公也如是哉因書公善

善院四字顏其塾之額

毓英書院在文昌閣後乾隆六年知縣陸拱辰建

縣舊有學田久爲鄉民占種知縣陸拱辰查出分別肥瘠酌收花利詳明各憲將所收原額租銀仍給廩生貧生其籽粒歸爲書院延師及諸生束脩膏火資永遠遵行勒碑

以記

陸拱辰詳文爲義塾告成學田歸公詳請立案以垂久遠事伏自憲臺下車首重文教卜屬士子莫不共

藉陶成卑職仰體作人至意倡捐建蓋義學書院爰在文昌閣後就舊有之藏書樓五間添蓋東西房各五間又於閣前添蓋東西房各三間錄取生童延師開館書聲曉夜不輟聞者頗知興起惟是束脩膏火之費必源源取給始可永遠勿替查曲邑舊有學田一十四頃八十九畝零每年止徵租銀七十兩六錢零散給廩生貧生各一半而耕種多係豪民霸爲世業亦有互相爭奪結訟不休甚至私相典賣竟行欺隱夫公產私據且滋訟啓爭何如以公濟公學田歸學永爲作育人材之資卑職隨逐一清查概不究其既往其人地俱無委無着落及地數少於原額者悉

行豁除至地浮原數者照數追出俱按實在確數統歸坐落村莊使股實農民佃種以本年爲始照佃戶輪租例量爲輕減倘遇歉收仍照分數再減登記印簿存留交代使將來不致農民受累且杜霸佔欺隱等弊每年所收花利除照例給發厚生貧生外餘銀約二百四五十金倘遇歲歉亦有二百金上下儘數爲書院師生脩脯膏火之資庶可行之永久文風丕振矣是否有當理合詳請憲臺批飭立案以便遵循勒石施行再此案與職於正月內附稟宮保尚書總督部堂孫業批所稟義學乃爲政之先務可實力行之等因合併錄報奉本府正堂任批邑有絃歌助宣聖化良有司第一政也乃若廣結構於佑文之壇資膏火於瞻學之產高陵下澤各用所因不肅而成可大可久則尤經理之盡善者矣仰即勒之貞珉俾茲來許仍將學田坐落畝數刊刻碑陰以爲不朽之左券可也

學田原額地一十四頃八十九畝三分九釐二毫五絲查  
出實在地一十四頃四十三畝三分一釐奇零細數坐落

村莊開後

東鄉魏家灣地十二畝二分九釐

灣東李家莊地十七畝九分七釐

蔡上村地七畝

喬家堡地十七畝

相公家莊地二畝二分三釐

小第八村地五畝三分

以上俱  
上地

大第八村地十畝

中地

馬家莊地七畝一分五釐

中地四畝六分五  
釐下地二畝五分

卜家院地十一畝三分一釐一毫俱下地

程兒寨地十五畝五釐上地

西魏村地四畝一分二釐上地

西韓固地十二畝下地

霍家屯地六十七畝九分二釐上地一畝五分二釐中地五十二畝三分一釐

下地十四畝一分

新鮮莊地六畝五分上地

馬落堡地五十九畝二分九釐上地二畝九分一釐中地二十畝八分二釐二毫

下地三十五畝五分五釐八毫

大臨河村地四十畝八分八釐六毫

中地

波流固地一頃四十五畝六分五釐三毫

下地二十四畝  
不良禾稼地一

頃一十一畝六分四釐三毫俟  
栽成樹木再奪並無籽粒銀兩

張家莊地八十一畝六釐六毫

上地七畝八分  
下地七  
十三畝二分六釐六毫

傅家辛莊地六十一畝七分一釐四毫

上地三十二畝五  
分一釐五毫  
中

地二十九畝一  
分九釐九毫

黃河套地二十三畝七分六釐三毫

中地十畝二分五釐  
三毫  
下地十三畝

五分  
一釐

北劉村地四畝

下地

劉家云固村地六畝地中

康家窪地五畝地<sub>上</sub>

劉上固地七十三畝八分四釐地<sub>上</sub>四畝八分三釐地<sub>下</sub>六十九畝一釐

波流固小屯地三十九畝四分八釐地<sub>上</sub>七畝七分八釐地<sub>中</sub>二十二畝八

分六釐地<sub>下</sub>八畝八分四釐

馬蘭杜家莊地二十一畝三分四釐地<sub>上</sub>十二畝地<sub>中</sub>九畝三分四釐

高家窪地十畝六分七釐地<sub>下</sub>

司家辛莊地一頃六畝二分四釐地<sub>上</sub>

棗園村地十六畝地<sub>上</sub>四畝地<sub>下</sub>十二畝三分



南鄉小河道村地八畝二分六釐四毫上地

關家莊地七畝三分七釐上地

褚家莊地六畝五分上地

趙家莊地十畝二分上地

李家莊地七畝二分五釐上地三畝中地四畝二分五釐

新屯村地二畝五分六釐上地

北馬遂店地三畝上地

南馬遂店地十三畝五分八釐上地

高胡寨地二畝上地

北趙林地三畝六分三釐

上地

樊家莊地一畝二釐

上地

侯村地三十六畝三分四釐六毫

上地三十一畝三分四釐六毫 中地五畝

高固村地一頃十畝五分八釐

上地

小軍寨地六畝五分八釐

中地

路兒莊地十五畝九分九釐

上地六畝 中地九畝九分九釐

東王家堡地九畝四分

上地

倪兒莊地三畝

上地

西來村地九畝七分八釐

中地

牛兒町地三十二畝九分五釐

下地

曹兒莊地三十一畝九分四釐四毫

上地十五畝九分四釐四毫

中地一十

六畝

宋兒莊地十七畝三分三釐

上地

西鄉黃家莊地六畝一分五釐九毫

下地

小言堡地二畝七分六釐

下地

正言堡地十一畝五分

中地

新寨地八畝

上地

澄南莊地二十九畝九分一釐二毫

上地

要兒寨地五畝八釐四毫上地

馬布村地八畝上地

大河道村地四畝五分上地一畝中地三畝五分

衙後李家莊地八畝上地

顏常張賈家莊地三畝上地

北鄉胡近口地六十六畝三分二釐三毫上地六十一畝三分二釐三毫

中地  
五畝

韓家莊地二畝九分五釐上地

韓村地四畝九分下地

張家漳遂村地五畝

上地

以上共學田地一十四頃四十三畝三分一釐每年所收  
麥穀二秋花利永爲毓英書院延師脩金諸生膏火季考  
等費

義學舊在東關順治間知縣李時茂建置田二十七畝久  
廢康熙五十八年知縣崔湄重建於明倫堂西乾隆八年  
知縣陸拱辰增建東房三間

社學舊在縣西北隅明嘉靖十八年知縣張鵬翼建萬歷  
間知縣趙循昌置地於各鄉後漸湮廢

劉榮嗣記畧曰易曰山下出泉蒙君

子以果行育德夫泉在山下未有適也導則易行未有滄也澄則易清既出而東西分涇渭判乃始防其溢返其趨爲力亦已難矣染絲可悲岐路堪泣而況於蒙乎今天下槩乎不講於養蒙之道已有子弟猶若置之官又何勤焉邑父母趙公治邑邑治多士以若推廣教思爰立社學邑之內外分館穀而典訓詰者凡數十所民間子弟合智愚貧富皆得習於黠畫句讀吟咏之聲時時在耳鬢者鬪者鬪而總角者周規折矩賁相望也夫鳴琴種花風流藻雅事治官閑之景使人悠然有三代思漳滏之濱彬彬郁郁易鄙儻而文章偕童稚而儒雅豈非千載一時異日芝蘭有芳鄧林有材天下國家賴之矣夫蒙之次卽爲需需有孚光亨貞吉無誠信之心兼剛柔之道而能光明亨通不失其正者未之前聞傳曰需須也蒙須養師須束脩此非一時之事也公積贖置田隸之各社世世取資焉象曰雲生於天需夫雲生於天需而爲雨潤澤寧有窮乎公名循昌號芝庭萊之掖縣人

本朝乾隆八年知縣陸拱辰重建於白果樹新莊本鄉監

生司文衡倡舉

社學田細數坐落鄉村開後

白果樹新莊人司文進張文禮新置地一十畝五分坐落  
本鄉

香城固舊存地十畝

大寨村舊存地十一畝七分七釐

此項碑載十二畝九分四釐而該鄉所具結實

十一畝七分七釐  
釐從結改正

東目寨舊存地十二畝

王家莊舊存地二十二畝八分

侯村舊存地十畝

河南疇舊存地十畝

安兒寨舊存地十一畝

滎陽集舊存地九畝六分四釐

以上舊存地俱知縣趙循昌置

宗發社學地攷始余閱舊縣志載社學地共如十畝既閱府志而所載乃互異故牒無存諸椽吏無習知舊事者往復無所考幾且欲置之矣已而經馬廐偶觀一碑字畫雖頗殘蝕而剜苔剔蘚拂拭猶可辨認因就讀之則所載社學地始末也且碑陰鐫坐落數目甚詳乃遍搜往牒得前令陸君清查學田時各鄉所投結按之悉合而嚮之所取然者始若釋負而去病不覺其心之曠則而若有得也夫事不經目擊手披任耳而信心舛誤相沿者多矣社學地之小云爾哉乃錄其原文并各社畝分於左以備攷



論曰教化爲風俗之原三代建學雖名各有取義而明倫一也其自天子之元子以及凡民俊秀罔不釋奠釋菜於先聖先師今弟子員固昉其意者乎又成周立法備虞庠夏校殷序之規而鄉大夫之掌與樂正司成並重則書院義學權輿也古之爲治未有謂此可緩者簿書期會之間浸且以爲迂矣良有司宜如何加意焉



武備

古者耀德不觀兵卽武事奚取焉然安不忘危戎兵之誥先王不廢高樽俎而薄折衝將焉用此況畿南三輔之隸邑臂指之使亦云拱衛也鸛鵝魚麗王奇鳥蛇之法坐言起行誠未易易而星羅棋置禦侮而敵愾王之爪牙實克賴之豈其賦退敵之詩而毋念清人哉作武備志

商周舊無營汛有事則籍壯丁資守禦事已解散明末所  
在盜起各郡邑募民兵團練器械工食隨宜措辦不隸司  
馬籍不仰大農餉鄉練統之亦未設有弁員

本朝順治間有伏莽蠢發知縣白足長請兵彈壓已而客  
主不相得民以驚擾遂提去康熙八年本府知府劉光榮  
請設立兵弁於郡城始由周議營汛一所於縣城之東關  
隸廣平營

分防經制把總一員

馬兵五名除養廉二名外實二名

步戰兵十二名內

弓箭三名

鳥鎗五名

藤牌四名

步守兵十九名除養廉公費六名外實十三名內

弓箭五名

鳥鎗五名

大砲一名

藤牌二名

又兼轄分防肥鄉汛

外委把總一員

馬兵三名

山明系志

卷之六

武備

上

馬

兵

步戰兵五名

步守兵十三名

兼轄分防鷄澤汛

外委把總一員


馬兵二名

步戰兵一名

守戰兵九名稽查逃盜巡緝奸宄規制之立較前爲密云  
論曰井邑邱甸之法自黃帝始蓋兵制也革車長轂乘馬  
糗糧之屬於是乎取故兵謂之賦焉阡陌毀而兵農分

衛壞而招募起顧欲責三代田賦於唐宋以後何以累取  
資哉

國家建威銷萌相扼塞險易之形添設營汛簡其精銳而  
時其教閱熊虎趨桓干城之寄視前懋焉下逮一隅窮鄉  
規畫縹緲莫不呼吸聯而心腹通語云兵可百年不用不  
可一日不備誰司長子把鉞麾旌磐石苞桑之圖是在地  
水之初六爻





曲周縣志

錢塘勞宗發錫山甫重修

邑人王今遠用晦甫編輯

河渠

劉子之言曰禹之明德遠矣則河之謂也顧瓠子秋風陽  
侯之怒難殺而盈盈一衣帶奚寒斐沉玉之云惟是青畦  
繡錯間利弊攸關沿源溯流卽民之依賴矣歷蒐舊聞遷  
徙通塞之故犁然信不誣毋寧因勢而用之詎必桑經鄴  
註鄭國工而平江績哉作河渠志

漳水之源有二一曰清漳蔡氏註出上黨沾縣大隄谷水經云出上黨沾縣西北少室山大隄谷東至武安黍窖入於濁漳又淮南子曰清漳出楊良山高誘云山在沾縣故城東北俗謂之漳山

一曰濁漳蔡氏註出上黨長子縣鹿谷山水經云源出上黨長子縣發鳩山一名鹿谷淮南子謂之發苞山東北流注過壺關屯留潞縣武安鄴縣繞列人縣南北入曲周又蔡註二漳異源而下流相合同歸於海

舊志云漳水自肥鄉縣界由趙固安兒寨公城堡馬蘭相

公莊胡近口韓家莊流上寨入滏河同流明嘉靖甲子七月潰城西門天啓丙寅水至城下深丈餘崇禎庚午夏決南堤侵城後歲以爲常而平鄉縣民築橫堤於下流水怒無所洩輒橫溢四出

本朝順治間連訟不決得

旨會勘毀堤立石乃已

邑人王顯祥記畧曰曲與平爲比鄰睦鄰之道吉凶同患漳水由曲

而平淹沒衝突之患兩邑交受之蓋已久矣若平可障之於北則曲亦可障之於南逆而上之源出鹿谷不如一丸泥封之也古之善治水者勿與水爭棄地與之以殺其怒而後水不爲害未有橫截而力堵者長吏不秦越其民憫其昏墜之苦不惜胼胝以救之吾獨憂其善後無策也春流一線不難亘長堤以限迨夏秋之交驚濤拍岸每冒堤

而過孤城如塊秋稼盡委白波廬舍漂蕩無歲無之防川而潰傷人必多此亦前事之已見者今幸良有司委曲處分且已經奉旨勘查利害既明遂永定畫一之規使百世遵守於是斜堤既築橫堤旋決曲無淹沒之患平無衝突之虞善擇其輕兩邑又交受其防護之堤四曰

護城堤自滏陽集抵縣城東至馬疇村

漳河堤在城東二十里南起照臨安兒寨南里岳漳河頭第六疇第四疇第二疇至韓村

高口堤在相公莊

李軍門堤起水德堡東魏村經邱縣界至張遂南北五十

康熙十年後漸徙而南二十九年由廣平之平固店入本縣三塔村下流邱縣等村與滏分而城東之河遂涸四十  
七年又遷入魏縣元城而三塔之河亦涸今距縣百有餘  
里衝嚙不及惟沿滏護城堤應修築以防滏餘皆興糧沃  
壤畧辨河形堤之有無無關輕重矣

滏水源發磁州西北之神麇山湧沸如湯故名滏一呼爲  
柳林河自州達府境歷邯鄲永年經曲周滏陽橋南趙兒  
寨城南寨東橋七岔路馬疇入雞澤界北流青縣通漕入  
於海安流地中運舟楫通貿易濱河地畝藉灌溉之資左

太冲賦曰北臨漳滏卽此

先年與漳水合流明嘉靖萬歷間鑿渠引水建閘啓閉曰  
宏濟閘知縣王友賢修在城東北

趙兒寨閘知縣趙稍昌修

東南閘知縣喬明旃修

七岔路閘知縣王友賢修

按曲周四閘之建有南趙兒閘及東南閘以導滏水之  
入宏濟及七岔路閘以導滏水之出用以引灌城濠且  
溉近城地畝利甚溥法至善也今東南宏濟兩處溝渠  
閘座微存形迹餘二閘杳不知所在豈今昔異形水利  
竟不可復與考昔時滏源旺盛兼之漳水合流上流諸  
縣藝稻尚少需水未急波及吾曲者有餘故前賢得施

引導之功今漳旣南徙滏水獨流微弱兼之上游廣爲營田夏旱需水曲無涓滴之潤至秋田功畢得沾餘水亦僅利舟楫耳余任曲年餘兩經憂旱於水利加意講求而終無所措手故特詳言之以告後之因勢利導者

嗣因漳水淤塞地高於河不能受水渠閘俱廢康熙二十年漳水南遷獨流若衣帶遶城東三里北去商販往來畦圃麟次而磁州扼其上流蓄洩不以時頗虞掣肘雍正間割磁州隸廣平上游無礙始食其利然發源殊微經磁邯永三屬澆灌外春夏需水時有斷流之虞夏秋之交雨潦驟集又徃徃漫溢爲患西岸原有護城土堤可資防衛東北地行土鬆屢經水害乾隆四年知縣周碩勲創築堤

拾乾隆五年知縣陸拱辰復勘增修兩堤屹峙水漸安瀾  
隨時補苴通商惠民是在司土者

大河故道在縣東軍營堤上等村方輿紀要宋元豐間大  
河經流於此後南徙跡僅存今河形尚在上接元城下抵  
清河或曰古馬頰河或曰古漳河又曰沙河乾隆五年議  
改漳水由此入海復古舊跡經制府查勘不可議始息

河廳

吳元鑿上孫制府稟卑職查勘得和兒寨北至廣平縣所  
屬之張洞村約二十里皆係墾種良田並無河形前至曲  
周縣所屬之堤上村河形始見而中間若廣平之蘇兒莊  
及曲周之軍營等處彌望浮沙詢之土人據稱係沙河古  
蹟當年漳水泛溢有淤成沃壤者有水勢不到仍係沙窩  
者惟邱縣以下至威縣及清河之軍營村河形漸漸寬深



蒸兩岸河灘均屬興糧地畝通計南北河身內民田居十之八九俯視村莊半有低居窪下之處名雖爲河並無行水之實卑職細按漳水之性剽悍迅急初非人力所能預先年由河南之臨漳縣經肥鄉廣平曲周等縣衝決之虞在在多有自康熙五十四年南遷入衛以來二十餘載並無橫流之患是現在之安濶久已稱慶今議欲以人力挽之使別爲經流竊恐引水而使之行不能柔水而使之順也再查張洞村各處平衍膏腴已屬認糧舊業今必欲奪之以成河微論沃產可惜而高墪者旣多需人工沙漲者又漫衍浮鬆難任畚鍤是非數千丁夫數萬金錢不能畢其役一旦河勢旣成而水性靡定兩岸居民悉有可虞不得不再議築堤以防其溢於是挑河之外又有堤工之塞上下數百里夾岸長虹所費又不下鉅萬然使一勞永逸保無他患尚可不惜糜費作將來無窮之利恐如漳河南遷之變正難懸揣萬一挑築於前淤塞於後不修則已成之功可惜修之則永久之道難期再四思維終非善策卽如原議所稱設立涵洞以時蓄洩此在他河允爲至當然細按情形必難施之於漳水昔人稱濁水一石其泥數斗

又土語相傳謂漳河不受制今觀各屬經水之處如肥鄉  
城內外房舍或僅露鴟吻或盡沒泥中不可勝數脫涵洞  
既設隨卽淤填豈不徒勞而無益又或橫溢衝擊毀裂開  
座其害更爲至大況卑職一路查勘日擊村莊竟有低於  
河身者一行開挑此等必爲澤國甚至下流之邱縣清河  
距城垣不過二里許漳水亢厲勢不就範兩邑本屬窪下  
他日懷襄之患在所難免以利害言之似均有所未便也  
抑卑職更慮者原議從和兒寨東開挑至張洞村引入舊  
河今查和兒寨至張洞村墟落稠密渺無河迹細問鄉民  
知自和兒寨上溯元城之袁兒寨村北原有古沙河去村  
莊二三四里不等若必由此地疏濬以引北折之水使之  
回向南流又復推之而使北往水性直下豈肯爲此曲折  
如竟從和兒寨北挑至張洞村於從未有河之處直達其  
勢中間數里皆屬山東館陶縣所轄逼近鄉村沃野難開  
實煩籌畫總之卑職查勘之下逢村卽問遇人卽稔一路  
民情均謂開挑之不便其間高年耆老又歷述漳河泛溢  
之事深恐復循故轍工程罔益卑職謗劣庸才何足御  
未議惟是面承憲諭敢不殫心極慮竭盡愚誠謹將所勘

之廣大二府地形輿論岷縷瀆陳爲慮始圖終之計乎次  
人神功奏績定有化裁非臆職管窺之見所能測及也

潔河故道在馬蘭村東方輿紀要潔河自永年縣界泊頭  
堡接縣境西朱堡長十五里又東接於漳河枯瀆遇雨潦  
溢水泛溢輒由此分流北注

阿難渠寰宇記曲周阿難枯渠在縣南十四里元和志阿  
難渠魏將李阿難所導故名今無考

又縣境所稱漳河故道不一而足皆昔年漳水泛溢經行  
之處今悉民間沃產且所在多有茲俱不錄然漳水剽疾  
流無定在思患預防無忘未雨計也

論曰水之爲利害大矣龍門扶風蓋反覆其意焉夫遂涂  
洫畝田間以爲日用而瀦洩蓄瀉罄折叅伍匠人之制詳  
之非夫川澤泉源之利固然不可闕與漳之在曲杳矣所  
謂一石水得五斗泥者於今故籍罔所用而滄流一線距  
城三里而近循堤眺覽菜圃花畦相望卽何土不可吳越  
理而水不時至桔槔之力弗克周腴產而斥鹵之豈繫曲  
民窳哉

按南北地勢旣殊天時亦異春夏之交南苦潦而北苦  
旱當二麥未登秋禾待藝時則旱乾累月若得灌溉之  
水則所獲滋豐而種植亦利第北地土疎且多沙石開  
渠築堰保無有旋濬旋淤者況曲僅滄河一帶水上游

郡丞諸邑又用爲管治稻田所分餘漕無幾計惟有多  
詞其賑既資澆灌并無淤塞之患且則縣官下某源所  
在皆有勸民多爲鑿井亦誠激勞之意務也然民難應  
始令之太迫非歛怨卽塞責又善爲勸導俾其自添增  
地無曠利是在司牧矣

Vertical text on the right edge, possibly a page number or title, partially cut off.

A large empty table with multiple vertical columns and a thick left border, typical of a ledger or account book.

壇祠 寺觀附

先成民而後致力於神秩祀之典以爲民也先王之制有能捍患禦災則祀之用酌報且以風也我

朝稽古典禮懷柔百神所在郡縣各立社稷城隍以及風雲雷雨先農之壇以誌祀事而忠孝節義亦厥有專祠司土者歲時展禮典綦詳且重哉至梵宇寺觀雖古祀官所不載然神道設教有其舉之莫或廢也作壇祠志

社稷壇在城西北雍正十年增建臺垣

風雲雷雨山川壇在城東南雍正十年增建臺垣

先農壇在河東南雍正五年奉文建 耜田四畝九分

厲壇在城北

城隍廟在縣治西歲三月二十四祭雍正十年知縣張若巖重修

關帝廟在東城上春秋及仲夏凡三祀康熙五十八年知縣崔涓雍正九年知縣張若巖重修一在西關其餘城市村落所在多有不悉載

八蜡廟在西關乾隆三年知縣周碩勳建

馬神廟在縣治西雍正十三年知縣張若巖重修



忠義祠在明倫堂西雍正二年奉文建

節孝祠在縣治前雍正二年奉文建

李忠愍祠在縣治東祀宋侍郎李若水明萬厯間知縣王

象恒建乾隆五年知縣陸拱辰重修

增福李公廟在縣治東祀北魏邑令李流祖邑人王一鶚

重修

自記畧曰增福廟祀舊邑侯李公也按郡乘公家世淄川北魏文帝朝仕曲梁殛妖狐塞橫水旣逝

之後民作廟祀之蓋能禦大災捍大患固祀典之所宜也歷唐逮元屢加封爵明與晉祀名宦廟仍唐曰增福以便民之伏臘祈禳者公多靈異每禱輒應嘉靖初按使毀淫祠議及公廟稽功德獨存之廟中爲饗殿左右翼以廊重門燕宮俱如制積歲漸圯邑未秋鄉民宋淵等倡義新之民樂趨事不月而廊官煥然且增建穿廊

以遵時制廟於是大備矣又公墓在安上村朱邑所謂  
子孫愛我不如稱鄉之民也公之尸祝茲土固應不朽  
云

火神廟在北門外明萬厯間知縣張潑建

成湯廟在城南安兒寨

韓文公祠在城東南馬蘭村祀唐韓愈

路公祠在東關祀明都御史路振飛

李嘉彥記畧曰邑人路公皓月爲御史時

嘗創義學

區於邑東關爲鄉人講習之地題曰公善

書院已而

穢賊蜂起大河以北無完土而此地獨全邑

士民思公之德乃合力新之因構堂三楹以祀公落成

之日踴躍趨拜有垂涕者嗟呼西河士子長瞻卜氏之

山蓋亦者黎共禮文翁之像公之至德高風可想見矣

志諱張飛字見白號曰皓月居鄉歷官載國史家乘茲

不贊

土地祠在縣治儀門東

獄神廟在獄內

藥王廟在西關外祀漢華陀邑人岳維華建乾隆四年邑人李汝楫重修

玉皇廟在城西南

元帝廟在北門外

東嶽廟在東關

三官廟在河東

碧霞元君廟在東關

三變廟在曹莊

三皇廟在侯村

鵲山廟在西壇村

府君廟在張綽村

龍母三娘廟在五間房村北

龍天都土廟在河南疇村僧道達重建

寺觀

保寧寺在縣治西北

大明寺在王目村

聖安寺在聖福堂村

興福寺在水德堡村

觀音寺在安兒寨村

張綽寺在張綽村

天寧寺在河南曠村邑人趙永吉建

宋歐記畧曰曲邑邊北河南曠者六堡之

一也舊有天寧寺不知始自何代有斷碣埋土中掘得之見其誌爲洛州平鄉下里平之隸於洛蓋在唐世云宋元以來無可考父老相傳明時有直指使毀所按佛寺此寺亦在毀中獨燃燈佛像衆力挽之不能仆咸詫以爲神堡人趙堂葺茅屋以庇之嗣是廣大其殿宇翼以鐘樓輔以配殿峙以山門規模廓如也後數十年漸

廢壞有趙公宗信僧人淨元倡化里人煥其舊而新之更置水陸殿莊金像勒碑銘至明季戊寅辰巳間大兵之後繼以凶年住持散亡香火爲之斷絕垣頽堦圯鳥鼠啄剝牛羊來牧見者心惻而且不逞之徒藪匿其中日夜行劫戊子秋冬之交害乃更甚近鄉與行者並苦之吾年友善甫趙子每以爲憂爰是集鄉之耆老若士庶謀爲改遷乃於堡之西南募馬汝山趙永祚曹耀等地而興建焉歲七稔成殿宇若干楹造佛菩薩若干像延僧諷誦鐘鼓聲聞丹霞在望屹然爲吾邑巨刹而且行者居者免於劫掠之苦衆悉舉手加額曰趙公之爲此勞費也於以庇我人而非私也謀壽之石徵信於余余爰爲之記

淤灘寺在淤灘村

普恩寺在侯村

臨河寺在東寺頭村

北石佛寺在五間房村

十方院寺在河東

李嘉彥記畧曰僧果與張侍郎書云左右既得此禪柄便可改頭換面用儒家

語說向士大夫近世龍溪近溪二大老吾窺其隱皆陰取其實而陽諱其名也不若柳子厚云吾取其與易論語合者退之云孔墨必相爲用而況於佛氏乎予不佞不能窺見佛法精微亦稍借其粗淺以自淑壯年出仕屢犯世患賴神氣粗定不至憂能傷人近量移中州刑名之任其詳其慎每恨不能多所平反此皆平實得力於佛者不敢效陳述古之空譚龍肉也春仲里人有蘭疋謁子求記者謂子曰吾邑十方院創基吾子僅數椽耳聊施湯茗以飲渴者數年來丹雘輪奐蔚乎一叢林矣蔚芝李公至尤多方繕造前廊後廡欄曲折杳思綺疏金碧照耀近又增塑大阿羅漢於前楹遊其地者身世兩忘形神俱肅四方遊衲遠至如歸晨昏之鐘磬不爽焚誦之功謀常殷公之現宰官身而說法功德真無量哉敢丐子文記之予曰昔子瞻謫居儋耳得金木

張氏阿羅漢像香燈禮之各爲之贊其中有云墻壁瓦礫誰非法身又云空山無人水流花落可謂要言不煩  
深得佛理者公倘有意於鼓上乘乎  
予雖老耄俟旦夕歸田爲公一贊之

### 延祥寺在新寨村

### 圓祥寺在馬遂店村

張學顏記畧曰圓祥寺在曲周縣境故有水陸殿殿風雨苔蘚丹碧彫削鶴

雀颺虬紛攘人天簷拱內跡相結也寺比丘興儒等恫  
焉居恒恹悒自念業已披緇鬢顧日把瓣香曾不能遺  
一甃者竭歷瓦礫而掃除之謂住持何遂跣步持疏遍  
歷諸宰官長者之閭而募焉居無何遠近翼如金錢蠅  
叢都匠徒屬不速磨僧瓦者石者柄鑿者藥裡畚鍤者  
繪而丹堊者登登范楚庶用不作始於萬歷乙酉孟蘭  
盆月竣事次歲之浴佛時丹青赫煥龍象圍繞者闔窟  
山恂恍飛來娑婆世界也是役也清陽邾侯實司牛耳  
蓋侯與興儒有致公參寥之雅於是乃倡居士龐璠龐  
哲唐栢常選瀧一棟爲奔走鳩屯續用始隆隆起信僧



張氏阿羅漢像香燈禮之各爲之贊其中有云墻壁瓦礫誰非法身又云空山無人水流花落可謂要言不煩深得佛理者公倘有意於最上乘乎予雖老耄俟旦夕歸田爲公一贊之

### 延祥寺在新寨村

### 圓祥寺在馬遂店村

張學顏記畧曰圓祥寺在曲周縣境故有水陸殿風雨苔蘚丹碧彫剝鴿

雀颺虬紛攘人天簷栱內跡相結也寺比丘與儒等恫焉居恒怛悒自念業已披緇髡顧日把瓣香曾不能遺一甕者場塋瓦礫而掃除之謂住持何遂跣步持疏遍歷諸宰官長者之閭而募焉居無何遠近翼如金錢蠅叢都匠徒屬不速磨借瓦者石者柄鑿者藥裡畚鍤者繪而丹堊者登登憑憑庶用不作始於萬歷乙酉孟蘭盆月竣事次歲之浴佛時丹青赫煥龍象圍繞者闔窟山嶽恍飛來娑娑世界也是役也清陽郝侯實司牛耳蓋侯與興儒有坡公參寥之雅於是乃倡居士盧瑞龐若唐栢常選龐一棟爲奔走鳩庀續用始隆隆起篇僧

北石佛寺在五間房村

十方院寺在河東

李嘉彥記畧曰僧果與張侍郎書云左右既得此禪柄便可改頭換面用儒家

語說向士大夫近世龍溪近溪二大老吾窺其隱皆陰取其實而陽諱其名也不若柳子厚云吾取其與易論語合者退之云孔墨必相爲用而況於佛氏乎予不佞不能窺見佛法精微亦稍借其粗淺以自淑壯年出仕屢犯世患賴神氣粗定不至憂能傷人近量移中州刑名之任其詳其慎每恨不能多所平反此皆平實得力於佛者不敢效陳述古之空譚龍肉也春仲里人有繭足謁子求記者謂予曰吾邑十方院創基吾子僅數椽耳聊施湯茗以飲渴者數年來丹雘輪奐蔚乎一叢林矣蔚芝李公至尤多方繕造前廊後廡楯欄曲折杳忽綺疏金碧照耀近又增塑大阿羅漢於前楹遊其地者身世兩忘形神俱肅四方遊衲遠至如歸晨昏之鐘磬不爽焚誦之功課常殷公之現宰官身而說法功德真無量哉敢丐子文記之予曰昔子瞻謫居儋耳得金水

廣濟菴在魏家灣村

祥雲菴在北趙兒寨

菩薩堂在南關

觀音堂在西關外

石佛堂在東關外

銅佛堂在河東

杏林堂在香城固村

生祠

周公祠諱應中

馬公祠諱大儒在東關

王公祠諱象恒在東關

張公祠諱潑在東關

王公祠諱祚昌在南關

趙公祠諱循昌在東關

王公祠諱一鶚在東關


李公祠諱岩在東關

王公祠諱友賢

張公祠諱天德

學博惠公祠諱承芳

論曰周書洛誥卜瀝作邑咸秩無文蓋立國建社未有不詳於事神者抑又聞神所憑依曰惟有德祀典之修心相格氣相感也邑不古處相贈而聽於新聘祗舍蘭若偏僻壤皆然然古之爲祠者雍時太乙同泰神霄其效可觀矣馨香明德率典而攸行之明教化振頽風使民知神姦不逢不若肆惟當事者望



古蹟

商彝夏鼎土蝕銅斑觀者摩挲撫者嘆息謂其古也人情習則忘久則思荆榛瓦礫斷碣殘碑剝苔剔蘚俯仰留之不能去甘棠薇蕨始有精氣存焉豈繁僻壤詎渺前踪烟銷燼滅中憑弔靈光懷古之情泫然深矣作古蹟志

平恩城在縣東南程孟村本漢侯國後漢置縣魏志云景明中分平恩置曲安明志云曲周東南有平恩廢縣按程孟村有二曰東曰西相傳卽東西城門云

曲周舊城在城東北水經註曲周縣故城地理志曰漢武

帝建元四年置史記正義故城在洛州曲周西南十五里

斥漳城在縣東本漢斥漳縣元和志漳水經其城其地斥鹵故名斥漳寰宇記隋開皇六年以縣西近洛水改爲洛水縣唐會昌三年併入曲周

南曲城在縣東本漢縣後漢省水經註南曲故城平恩縣北四十里有南曲亭故縣也

邸閣城在縣東北寰宇記水經註衡漳水又北經邸閣西謂此城



康臺澤在縣東。書地形志平。思有康臺澤方輿紀要。秦爲閑牧之所。晉太原九年慕容農取康臺牧馬數千於此。

董塘坡在縣西北。元和志洛水縣董塘坡在縣西北十五里。晉龍驤將軍劉牢之救苻丕追慕容垂大戰於董塘泉卽此。

安仁書院舊址在縣東北五十里。元時爲安仁鎮。今爲馬羅堡。基址儼然。耕者或平之輒復高起。

孤突祠在縣東南。安兒寨土人歲時祀之。

包公行署在縣南十五里南衙村

李忠愍公故里舊有碣在東關歲久淤沒乾隆十二年掘地得之

古塚在城西南四夫人寨纍纍數十相距皆丈許延袤五里餘或云晉檀道濟量沙故蹟考量沙非此地疑道濟救燕過此壁壘之遺蜿蜒曲屈象若長蛇俗又謂土龍浩歌亭在縣署明知縣皇甫汭建久廢乾隆十二年知縣

勞宗發重建

鉅橋倉

按周書武成發鉅橋之粟地理今釋云鉅橋在今直隸廣平府曲周縣東北通典云洛州曲周縣紂

鉅橋倉在此今河南臨潁府淇縣東北十五里亦有鉅橋非也又文獻通考一統志俱載鉅橋於曲周而廣輿記則載入淇縣今考紂都朝歌朝歌今淇縣如比干墓南單臺朝涉淇澳皆確鑿可據何以聚斂之所獨在五百里外毋亦如敖倉洛口之類特設此爲密粟之地不必附近國都與前志不載或因此故老無傳無可據以爲考而杜馬氏博綜羣書要非無見附入古蹟亦疑則傳疑云爾

附淄川李公墓在縣東安上村故碣遺文猶有存者

論曰古人之傳非以其蹟也過廣武則悲劉項登赤壁則吊孫曹高臺曲池轉目風花而樵歌牧笛荒烟殘照間往往若沒若明呼之欲出昔之人所以三嘆於不朽也眷言今古感慨憑之東京夢華亦猶此意耳夫人有足恃者斯

蹟與同馨不然金檢玉泥秦松漢栢豈不彪炳耳目所由  
與岫巒綠字異矣

風俗 物產附

記曰陳詩以觀民風風俗之係重矣奢儉貞淫各因所尚蓋有隨時爲變遷者石鼓之扣鐵鐸之鳴氣類相取非苟然而已曲雖無腆而小民惟草孰則偃之哉至土之所宜用物爲貴機絲纂組蠙珠浮磬難得之貨不與焉邯鄲漳河一都會而曲亦邯鄲間望邑也地毛之產連類附之矚瞻纖嗇視乎利而導耳作風俗志

續圖經俗尚勤儉人性質直郡志曰務學力農淳樸猶昔又曰民多殷富近尚侈靡信巫鬼重淫祀昔人所紀如此

舉接地平土疏人僊而慧無華麗之習亦寡謀生之資樸拙尚氣恥於下人蓋雜唐魏燕趙之遺云

冠禮久不行士大夫家間有舉者畧存其意三加之儀卒莫之復

婚禮男請媒妁謁女家得允約吉期駢啓互投男先曰送書女答曰回書旣訂約遇歲時或以花幣脯果致女家曰追節女家答衣履玩具曰回禮將婚之前具束邀女家及媒相宴會曰訂吉期婚之前一日婿家具醴脯父兄帥婿詣外家備禮相酬獻曰通道路詰辰往娶婿親迎鼓樂前

導轎用綵結男家遣婦女往具吉服催粧曰娶女客女家  
遣送曰送女客娶送女客乘輿或肩輿居轎後至壻家女  
入室以姻戚婦一人具婦飾冠簪加新婦笄曰上頭次日  
壻復具酒果詣婦父母拜謁曰謝親三日婦廟見謁翁姑  
以次遍謁親族尊長曰上拜是日婦家逆女歸壻偕往曰  
回門六日亦如之九日亦如之先期女家備奩具致壻室  
曰過粧娶之日邀姻戚共聚陪新親曰會親娶之後戚黨  
相餽脯果曰餽飯婚卜吉有定月曰利月歲臘祀竈後不  
忌曰亂歲至民俗鄙野或有因喪女弔而遂留者曰孝扶

有貧不及禮乳臭過房者曰童養一則鄉愚惡俗一則變故權宜失禮之中固有輕重矣

喪禮以布帛訃姻戚三日成服乃受弔立告布於門書死者官爵姓字生卒年月日時并喪主孝子姓名懸紙旛門外柩前置布幔設靈座男女俯伏柩左右髣髴髻髻苦跣哭泣日三奠遇七及百日則奠有加將葬先期致引狀於親友懸旛設靈如始喪姻戚具賻奠銘旌楮幣葬之日鼓吹前導以紙爲輿從冥器之屬次第列柩前親友於路設奠謂之遷祭至塋行題主祀土禮姻戚婦女以幣帛餽遺



俗云收頭葬畢納主魂亭儀衛導歸虞祭詰朝謝客徧拜  
弔奠者門棺槨稱家墓以磚或灰槨視其力葬多祖塋慎  
遷葬也不多爲華靡遵家禮也其弊也乃有民間始喪未  
歛戚屬男女走街衢號哭詣神祠焚楮錢日報廟者多作  
佛事招僧道梵誦張設神軸地獄諸像啖贊音樂爲神曲  
雜百戲相玩弄曰追度者俳優歌舞設場喪者門雜選紛  
紜競相尚爲喧笑度曲簫管聲與門以內哭聲相應曰煖  
扮者

祭禮四時遇節皆舉士大夫設奠於家廟無者奠於寢清

明則祭於墓中元十月朔亦間有墓祭者生忌死週必以時祀有大事若科第告祖必於墓並及母妻家曰祭祖又民間喜淫祀多報賽至有師巫降神旗鼓香花奔赴以妖祥相煽惑者而鄉社祈報醮錢備牲醴盛張設鼓樂扮雜劇神廟前猶有蜡祭遺意是在審其輕重而因革之

正月立春前一日迎春於東郊有司設饌呈百伎婦女縱觀小兒轉牛腹下曰稀豆以綵仗擊小兒曰打磕睡萊菔五辛爲春盤佐麥餅啖之曰咬春

元旦日鷄初鳴起肅衣冠祀神以菜實麪煮食之曰扁食

昧爽遍詣親族拜鄰里互投刺於門小兒女鮮衣簪紙  
相嬉樂弄胡桃紙爆爲戲

十五日曰上元是夕祀祖先以麩爲小燈遍置窓竈箱厨  
戶牖几床間曰散燈張幕結山棚演劇提傀儡相會酒食  
或懸燈剪綵作春聯飄搖街市鄉村遠近婦女相扶入城  
縱觀延及次夕絡繹不絕曰走百病以糯米粉作丸實以  
糖煮食之曰元宵

二月二日日龍擡頭煎麩作油餅曰薰蝎是月神會漸繁  
香社亦漸夥兒童郊外放紙鳶

三月清明俗亦謂之寒食祭先掃墓有喪未葬者則哭於家兒童以柳插首或作柳圈戴之婦女則採葉簪髮髻旁自正月至是月間爲鞦韆之戲

四月八日相傳浴佛浮屠於寺設水陸醮民間是日亦往往持戒燒香

五月五日採艾備薰灸飲雄黃酒辟五毒以角黍白團相饋遺婦女繫綵帛爲符裁小囊置硃砂佩之簪艾作繭虎小兒女繫五色線於手足

六月六日曝書畫

七月七日兒女設瓜果祀天孫乞巧

十五日曰中元爲佛氏孟蘭之辰是日祀先亦有上墓掛紙者以麩蒸羊饋女若姊娣之子曰送羊

八月十五日以瓜餅相饋備酒果俟月出祀之卽讌飲其下曰賞月

九月九日蒸棗餅相饋曰花糕親友邀飲賞菊

十月一日祀先掃墓焚楮錢或剪紙爲衣履詣墓焚曰送寒衣

十一月冬至日投刺交拜亞元日

十二月八日雜米菽棗果爲粥曰臘八粥或有以施貧者  
二十三日竈君升天設酒脯飴糖送之坐草雜豆以薦曰  
飼竈君馬是後剗牲製寒具掃室寫桃符門帖婦女買花  
繪爲過歲計多嫁娶

除日灑掃祀祖老幼聚飲食爆竹驅祟或相對坐竟夕曰  
守歲

物產

穀黍稷秫芝蔴大麥小麥苽麥春麥豇豆菜豆青豆黃豆  
黑豆茶豆豌豆小豆扁豆赤小豆凡穀之類十有九

葱韭芹芫蒜芥白菜菠菜萵苣蒼蘆蒿茛蒿芫荽山藥蔓菁  
黃芽苦麻茄瓠子葫蘆胡蘿蔔白蘿蔔菜豇角小茴香黃  
花菜刀豆角眉豆角蒲筍地瓜甘露銀條天茄凡蔬之類  
三十有一

桃杏李棗櫻桃柿蘋果沙果甜果花紅柰子梨石榴葡萄  
榘文官果無花果錦荔枝凡果之類十有八

葵花芍藥牡丹鷄冠薔薇木槿荼藤石竹月季玉簪迎春  
海棠紫荊扁竹菊卷丹鳳仙六月菊丁香金盞金雀牽牛  
十樣錦五姊妹剪紅羅玫瑰秋海棠夾竹桃鷄爪葵鐵腳

海棠西番柿西番蓮刺梅四季槐蓼花轉枝蓮晚香金銀  
藤紫薇萱草鸞粟凌霄凡花之類四十有二

柏檜椿槐榆桑柘梧桐棠柳垂柳白楊青楊竹荆楸椒棗  
檉欂櫨凡木之類二十有二

苜蓿馬蘭垂盆芭蕉馬稍藤蘿爬山虎蘆葦蒲蒿水葱茅  
莠稗藜凡草之類十有六

王瓜冬瓜西瓜南瓜北瓜甜瓜苦瓜絲瓜菜瓜凡瓜之類  
九

枸杞鳳眼草葫蘆巴香附子車前子蛇床子兔絲子天仙



子藁麻子苦丁香蒼耳蟬蛻蒺藜瓦松杏仁槐子薄荷艾  
益母草酸棗仁樗皮白芥子桑白皮凡藥之類二十有三  
鷄鶩鴨鵠雀鴉燕鳩鷓鴣鵲梟鷓鴣啄木黃鶯蠟嘴鷓鴣  
百舌布穀雉鴝凡鳥之類二十有一

馬牛騾驢羊豕犬貓兔獾狐鼠黃鼬田鼠刺蝟凡獸之類  
十有五

蜂蝶蟋蟀蛇蝎蟬蝎虎蜘蛛螽斯蟻螂螳螂蚯蚓齧蟻  
蟻慕蜻蜓蝙蝠蝸牛蚊蚋蠅虎螞子醯鷄蜴蜥斑蝥凡  
蟲之類二十有六

鯉鯽魴鯉鯪鮎鱧蝦蟹鱉黑魚金鯽凡魚之類十有

四

小鹽明酒蜂蜜蠟麴細麴酥紅花靛青綿花絲麻縐布綿  
納土絹凡貨之類十有六

論曰馬遷傳貨殖歷序土風都會之所而臚其所產有味  
乎言之哉夫風之起也披拂萬物而感之有自操其柄者  
上耳視土之宜謹其登耗而時休息之織絰組紉芻藁稷  
木田間之日用卽風所由成矣語曰禮義生於富足又曰  
民沃者不材則風之者責也夫余次風俗而統物產以此

封爵

甘陵於漢爲大郡隋五代以來洛州亦重地云曲隸其間  
版籍所著意亦殷庶區也刑馬作誓投璧爲盟昔人豔稱  
之勲在王室所以志乎彈丸甌脫內有紀太史冊者殘碑  
蠹簡雨雕蝨食中有托而傳猶可想酬庸意焉作封爵志

漢

酈 商高陽人以將軍從高祖起岐攻長社以南別定  
漢中及蜀定三秦擊項羽六年封曲周侯食四千八  
百戶謚曰景子寄孝文元年嗣侯傳堅遂成世宗終

根武帝時坐咒詛國除

許廣漢以皇太子外祖父昌成君於宣帝地節三年封  
平恩侯食五千六百戶謚曰戴無後初元元年以弟  
子嘉嗣侯傳況旦敬王莽敗絕

吳 漢南陽宛人從光武征伐屢建勲策建武二年以  
佐中興功封廣平侯食曲周等四縣謚曰忠子成建  
武二十年嗣侯傳旦無子國除

北魏

崔 光清河郟人歷官侍中中書監於世宗延昌四年

以擁立肅宗功封博平縣公本年十月尊爵熙平元年復封平恩侯正光四年卒

程駿邑人冠軍將軍兖州刺史文明太后時贈曲安侯謚曰憲事詳人物

唐

李重福中宗子高宗時王唐昌郡後徙平恩

按舊志載漢平干頃王子曲安侯敬考漢書王子侯表有曲梁侯敬無曲安通志云曲梁今永年曲周地查曲周於春秋爲曲梁自漢以後或爲曲周或爲曲安或併入洛水或別屬平恩而曲梁專命永年則凡人與事之在漢後者宜歸永年故削之餘悉倣此

論曰功臣依日月之光剖符儋爵保世滋大若酈若吳尚  
矣鮮克由禮後亦稍凌夷衰微焉廣漢以外戚顯崔光以  
積勞晉餘未之聞毋亦控制幽燕神臯之所宅不輕以錫  
人與夫三代以上諸侯蓋萬有餘國而書闕有間可勿復  
深考撮其尤著者錄而存之庶乎古制之可稽耳程駿雖  
當身弗及者而策勲追命金券不磨其實固有難沒故類  
載其始末備稽討焉